

Planta facie *Crepidis pygmeæ*, 3-4-pollicaris, foliorum limbus diametro 9-15 lin. latus, capitula florifera 7 lin. longa.

§ 4. *Micranthæ*.

19. **L. rosularis**, glabra glaucescens, radice verticali crassiusculâ, foliis dense rosulatis majusculis obovato-oblongis obtusis margine minute et crebre undulato-denticulatis denticulis spinulosis basi attenuatis breviter petiolatis, caulibus pumilis a basi divaricatis et dichotome ramosissimis ramisque tandem incrassatis, foliis caulinis ad dichotomias minutissimis squamiformibus basi obtuse auriculatis, capitulis minimis terminalibus et alaribus brevissime pedicellatis oblongo-cylindricis, involucri glabri phyllis obtusis apice nigro-sphaecelatis ad externis ad intima auclis, flosculis....., acheniis nigris minimis ellipticis basi subattenuatis lævissimis tenuiter marginatis utrinque tenuiter uninerviis apice abrupte mucronulatis rostro albo fugaci subæquilongo terminatis, pappo albo (2).

Hab. in Persiâ australi inter Jezd et Ispahan et inter Ispahan et Teheran prope Nasrabad et Schurab (Bge exs. 226!), in prov. Khorassan (Bge!).

Folia radicalia 1½-3 pollices longa, caulis cum paniculâ demum divaricatisimâ 3-6 pollices longus et latus, capitula fructifera 4 lineas longa.

20. **L. undulata** (Ledeb. Fl. Act. IV, p. 156) glabra vel crispule papillosa. caulibus e collo unico vel pluribus pumilis erectis a basi vel superne dichotome ramosis corymbosis oligocephalis, foliis radicalibus obovatis dentatis vel lyratis, caulinis a basi obtuse et minute auriculatâ in lacinias oblongas sinuatas vel triangulares aut lineares integras obtusas pinnatifidis partitisve, capitulis breviter pedicellatis tenuiter cylindricis paucifloris fructiferis valde elongatis, involucri glabri phyllis paucis obtusiuseculis ab infimis ovatis squamæformibus ad interiora demum valde elongata abeuntibus, flosculis cæruleis, acheniis obovato-oblongis compressis anguste marginatis et scabridis utrinque elevatim uninerviis transverseque rugulosis apice breviter et abrupte mucronatis, rostro setaceo albo achenio 3-4-plo longiore basi fissâ bicruri ejus apicem amplectente, pappo sordide albo (3). Ledeb. Ic. tab. 129.

Hab. in rupestribus apricis, radices montis Sinai loco Bestan (Schimp. 138!), Armenia Turcica inter Diarbekir et Karput in subalpinis (Noë!), Armenia Rossica inter Nackitschewan et Ordubad (Koval!), Persia media orientalis ad Ssertschah (Bge!), australis prope Fasa (Auch. 4861!), Turkestaniam ad mare Caspium et in deserto Kisilkum (Lehm!), Belutschia (Stocks!).

Icon citata formam exhibet majorem vulgari quæ etiam fructifera 5-6 pollices vix excedit. Rostri baseos structura peculiaris.

Ar. Geogr. Songaria, Sibiria Uralensis et Altaica.

21. **L. glaucifolia**, caulibus decumbentibus sæpius nanis rarius elongatis folia radicalia parum superantibus dichotomis laxè